

*1. جاپان گا شہر او ساکا مانہ عالمی نمائش 2025 غے دوران بھارت منڈپ غا عنوان سنگ بھا رتی پولین مانہ جموں کشمیر غی اکھروٹ غی لکڑی غی نقش و نگار نانہ اک ضلع اک مصنوعات زون غے تحت پیش کیو گیو ہے ۔

*2. جنوبی کشمیر غا کُلگام ضلع مانہ حفاظتی دستاں تے دہشت گرداں بشکار تصادم آج تیجے روز وی جاری ہے ۔ جس دوران 3 دہشت گرد ماریا جا چکا ہیں۔

*3. سانہ ضلع مانہ 3 زنگ آلودہ توپ غا گولہ برآمد ہوا ہیں۔

*4. نیٹ پی جی امتحان 3 سو 1 شہراں مانہ آج منعقد ہوئو ہے ۔ جس مانہ 2 لکھ 42 ہزار تین زائد امیدواراں نے شرکت کی ہے ۔

*5. تے کشتواڑ غو امنگی بلاک مڑواہ نیتی آیوگ غا باوقار اعزاز واسطے منتخب ہوئو ہے ۔

World Expo Japan

جاپان غا اوساکا مانہ منعقد ہون آلی عالمی سطح غی نمائش 2025 مانہ بھارت پولین غا عنوان نال بھارت منڈپ نے اک پروڈیکٹ زون غے تحت جموں کشمیر توں اکھروٹ غی لکڑی غی نقش و نگار غی نمائش کی۔ اس زمرہ غے تحت اوڑیشہ غا تارا کشی فن وی دسیا گیا تھا ۔ اس تقریب نے 20 ہزار تین زیادہ زائرین نانہ اپنے پاسے متوجہ کیو۔ کیونکہ لوک بھارت غا ثقافتی ورثہ اور دستکاری غی دولت غو مشاہدو کرن آیا وا تھا ۔ نمائش غا باقی پُرکشش مقامات مانہ چندریان زون شامل تھو ۔ جہیڑو خلائی تحقیق اور اس غا قمری مشن مانہ بھارت غا نمایاں کامیابیاں غی نمائش کرے۔ یوہ بھارت غی نرم طاقت نانہ ظاہر کرے۔ جہیڑی کثیر قُطبی دُنیا مانہ اپنا قدماں غا نشانات چھوڑے۔ نمائش مانہ 1 سو 60 تین زیادہ ممالک اور 9 بین القوامی تنظیمیں نے شرکت کی ہے ۔

Encounter

جنوبی کشمیر غا ضلع کُلگام غا اکھل دیو سر علاقہ مانہ دہشت گرداں غے خلاف چل رہیا آپریشن مانہ اجوں تک 3 دہشت گرد ماریا جا چکا ہیں ۔ یوہ آپریشن آج تیجے روز وی جاری ہے ، تے حفاظتی دستاں علاقہ غی چفیری سخت کپیرہ بندی نانہ بنایاں رکھیاں واہ ہے ۔ اس علاقہ مانہ دہشت گرداں غی موجودگی بارے خُفیہ اطلاع ملن توں بعد جمعہ غی دیر رات نانہ حفاظتی دستاں تے دہشت گرداں بشکار یوہ تصادم شروع ہو نو تھو ۔ اس خُفیہ اطلاع ور فوری کارروائی کرتاں واں بھارتیہ فوج، جموں کشمیر پولیس، سی آر پی ایف تے خصوصی آپریشن گروپ یعنی ایس او جی غی اک سانجھی ٹیم نے اس علاقہ مانہ تلاشی آپریشن شروع کیو تھو۔ جس تین بعد حفاظتی دستاں تے دہشت گرداں بشکار ٹاکرو شروع ہو گیو۔

Artillery Shells Round

جموں کشمیر غا سانہ ضلع مانہ آج 3 پُرانہ تے زنگ آلودہ توپ غا گولہ برآمد ہوا ہیں۔ جنہاں نانہ اک کنٹرولڈ تمابکہ غے ذریعے ناکارہ بنایو گیو ہے۔ پولیس اہلکاراں نے دسیو ہے جے پولیس نانہ مقامی افراد نے بسنتر دریا غے کنڈے گراں پلٹھ غے نیڑے ان خالی خولاں غا بارہ مانہ اطلاع دتی۔ جس ور بمب ناکارہ بنان آلا اسکارڈ نانہ فوری طور ور موقع ور پیجیو گیو۔ عہدیداراں نے دسیو ہے جے یہ خول بعد مانہ کنٹرول تمابکہ غے ذریعے بغیر کسے نقصان غے تباہ کر دتا گیا ہیں۔

JMC Clean Jammu

جموں میونسپل کارپوریشن تے شہری جنگلاتی ڈویژن 5 اگست نانہ سویر 9 بجے ایف آر ایم سی کمپلیکس نروال مانہ بوٹا لان غی اک بڑی مہم غو انعقاد کرے گی۔ صاف و شفاف تے سر سبز جموں پہل غا حصہ غا طور ور میا وکی طریقہ استعمال کرتاں واں 10 ہزار بوٹا لایا جائیں گا۔ اس سلسلہ مانہ کمشنر جے ایم سی ڈاکٹر دیوانش یا دنو نے شہریاں ور زور پایو ہے کہ وے اس مہم مانہ شامل وین۔ اور ماں ترتی نانہ خراج عقیدت پیش کرتاں واں اک بوٹو لا وین۔ واضع رہ جے 30 ہزار بوٹا پہلاں ہی لایا جا چکا ہیں۔ اور یوم آزادی توڑی 60 ہزار بوٹا لان غو ہدف حاصل کرنو ہے۔ اس بارہ مانہ گل بات کرتاں واں جموں میونسپل کارپوریشن غا سپیکر دیوانش یا دنو نے اس طرح دسیو۔۔ بانٹ۔

Udhampur Mission YUVA

محکمہ روزگار اڈھم پور غی طرفوں ہنر ترقیات محکمہ غا اشتراک سنگ گو رنمنٹ پا لیٹکنک کالج مانہ مشن یوا غے تحت اک روزہ صلاحیت سازی میلہ برائے کاروبار غو انعقاد کیو۔ اس پروگرام غو مقصد مقامی نوجواناں نانہ حکومت غی طرفوں چلائی جا رہی سکیمیں تے صلاحیت سازی غا اقدامات غے ذریعے خود روزگاری تے خود انحصاری غی طرف راغب کرنو تے اُن مانہ حوصلہ افزائی پیدا کرنو ہے۔ اس موقع ور ضلع ترقیا تی کو نسل اڈھم پور غا چنرمین لا چند مہمان خصوصی تھا۔ ڈپٹی ڈائریکٹر روزگار موہندر شرمانے پروگرام غی صدارت کی۔ اس موقع ور خطاب کرتاں واں اسسٹنٹ ڈائریکٹر روزگار پرینکا گپتا نے اس طرح کہیو۔۔ بانٹ۔ اس موقع ور بولتاں واں اک طالبہ سونیہ نے اس طرح کہیو۔۔ بانٹ۔

مزید خبراں نال محمد اکرم چودھری ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گو ڈاٹ ان ور وی دستیاب ہیں، اس) تیں یہ خبر مہاری موبائل ایپ تے ڈی ٹی ایچ ور وی دستیاب ہیں

NEET- PG Exam

آج بروز اتوار نانہ نیٹ پی جی امتحان مانہ 2 لکھ 42 ہزار تیں زیادہ امیدواراں نے شرکت کی ہے۔ یوہ امتحان طبی سائنس مانہ امتحانات بارے قومی بورڈ یعنی این بی ای ایم ایس غے ذریعے بکھ بکھ پوسٹ گریجویٹ میڈیکل کورسز مانہ داخلہ واسطے لیا گیا ہیں۔ یہ امتحان کمپیوٹر ور مبنی پلیٹ فارم غے ذریعے اک ہی شفٹ مانہ ملک پہر غا 3 سو 1 شہراں تے 1 ہزار 52 امتحانی مراکز مانہ منعقد کیو گیو۔ یوہ بھارت غو سب تیں بڑو کمپیوٹر ور مبنی امتحان، جہیزو اک ہی شفٹ مانہ اس قدر بڑی تعداد مانہ امیدواراں واسطے لیو گیو۔ بورڈ نے بکھ بکھ میڈیکل کالجاں تے تسلیم شدہ ہسپتالاں سنگ 2 ہزار 2 سو تیں زائد عملہ غا ممبران نانہ

امتحان غی نگرانی واسطے مقرر کیو تانجے نقل یا کسے وی غیر منصفانہ طریقہ غا استعمال غے خلاف صفر برداشت غی پالیسی نانہ یقینی بنایو جا سکے۔

Kishtwar ASP Block

اک اہم کامیابی غا طور ور کشتواڑ غا اُمنگی بلاک مڑواہ نانہ نیتی آیوگ اعزاز واسطے منتخب کیو گیو ہے۔ اس بارے اعزاز غی تقریب 4 اگست نانہ چوگان گرانوڈ کشتواڑ مانہ منعقد وے گی۔ اُمنگی بلاکس پروگرام جہیزو نیتی آیوگ نے جنوری 2023 مانہ شروع کیو تھو غو مقصد ریاستان تے مرکزی زیر انتظام علاقان غا 5 سو پسماندہ ضلعان مانہ طرز حکمرانی نانہ بہتر بنانو تے معیار زندگی نانہ بلند کرنو ہے۔ یوہ پروگرام 5 کلیدی موضوعات ور مرکوز ہے۔ صحت و غذائیت، تعلیم، ذراعت و اس سنگ متعلقہ خدمات، بنیادی ڈھانچہ تے سماجی ترقی۔ یاہ پشان اس علاقہ غی ترقی تے امکانات غی علامت ہے۔ مزید تفصیلات دیتان وان ضلع اطلاعتی آفیسر کلڈیپ کمار نے اس طرح کہیو۔۔۔ بانٹ۔۔

GDC Kishtwar

سرکاری ڈگری کالج کشتواڑ غا کیرئیر کو نسلینگ تے رہنمائی مرکز نے سوشیالوجی شعبہ تے این سی سی غا تعاون نال تنائو نال نمژن ور بیداری مہم غو انعقاد کیو۔ تقریب غو آغاز شعبہ غی سربراہ پروفیسر سونیکا سین غا استقبالیہ خطبہ نال ہوئو۔ انہاں نے اس دوران پیشہ وارانہ ماحول مانہ منتقل ہون آلا طلبائ واسطے زمینی صحت نال متعلق آگاہی اور تنائو غا موثر انتظام غی اہمیت نانہ اُجاگر کیو۔ پروگرام غے دوران مہمان مقرر نے ون اسٹاپ مرکز کشتواڑ مانہ سائیکو سوشل کونسلر ور ریورس پرسن ڈاکٹر شاسنا جان بھٹ نے اک بصیرت انگیز اور گل باتی اجلاس پیش کیو۔ آکاشوانی نیوز نال گل کرتان وان سونیکا سین نے اس طرح کہیو۔۔ بانٹ۔۔

Stem Curriculum

ضلع ترقیاتی کمشنر دوڈہ ہرویندر سنگھ نے آئی آئی ٹی، جے ای تے نیٹ غی تیاری کرن آلا بچان غی امداد واسطے سرکاری ضلع لائبریری ڈوڈہ مانہ اک وقف شدہ سٹیم غو افتتاح کیو۔ اس اقدام مانہ پڑھن واسطے وقف شدہ زون، حوالہ جاتی مواد، فرضی ٹیسٹ، رہنمائی غا سیشن تے قومی سطح غو ڈیجیٹل طور سکھن غو پلیٹ فارم تک رسائی شامل ہے۔ فزیکس، کمپیوٹر، ریاضی اور بیالوجی مانہ گل باتی اجلاس طلبائ غی مصروفیت نانہ مزید بدوین گا۔ ڈی ڈی سی موصوف نے لائبریری غی سہولتات غو معائنو کیو اور خطہ مانہ تعلیمی بنیا دی ڈھانچہ نانہ مضبوط بنان واسطے مسلسل تعاون غو یقین دوايو۔ افتتاحی مرحلہ ور خطاب مانہ ضلع ترقیاتی کمشنر ہرویندر سنگھ نے معیاری تعلیم تک مساوی رسائی غی اہمیت نانہ اُجاگر کیو۔ انہاں نے اس دوران گل کرتان وان اس طرح دسیو۔۔ بانٹ۔۔
